



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

LII. De Visitatione Parochialium Ecclesiarum Regularium in Insulis
Philippinis pro Locorum Ordinariis.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

ne, & sufficienter expressis, & ad verbum insertis habentes, illis alias in suo robore permanentibus, ad praemissorum effectum hac vice dumtaxat specialiter, & expresse derogamus, ceterisque contrariis quibuscumque.

§. 6. Volumus autem, ut eorundem praesentium Literarum transumptis, seu exemplis, etiam impressis manu alicujus Notarii publici subscriptis, & sigillo personae in Ecclesiastica dignitate constitutae munitis, eadem prorsus fides ubique locorum tam in Judicio, quam extra illud habeatur, quae haberetur ipsis praesentibus, si forent exhibitae, vel ostensa.

Datum Romae apud S. Mariam Majorem sub Annulo Piscatoris die IX. Sept. MDCCIV. Pontificatus nostri Anno Quarto.

LL.

Deputantur Abbas Gen. Visitatores, & Definitorum Congregationis Monachorum Vallis Umbrosae, cum Statuto spectante ad Visitacionem Monasteriorum Majoris Observantiae.

Constitutiones hujus Congregationis extant Const. ed. 1604. Mar. 15. P. 4. ubi agitur de Majori Observantia. Et Const. ed. 1713. Sep. 28. P. 13. conceduntur Congregationi plurima privilegia.

Dat. 11. Dec. 1704. An. 5.

CLEMENS PAPA XI.

Ad futuram rei memoriam.

Causae praesentis Constitutionis.

PROspero, faelicique Congregationis Vallis Umbrosae Monachorum Ordinis S. Benedicti regimine, & gubernio, quantum nobis ex alto conceditur, providere cupientes, ac de infrascriptorum ejusdem Congregationis Monachorum expresse professorum fide, prudentia, charitate, integritate, vigilantia, solertia, & Religionis zelo plurimum in Domino confisi, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatae existunt ad effectum praesentium dumtaxat consequendum harum serie absolventes, & absolutas fore censentes, Motu proprio, ac ex certa scientia, & matura deliberatione nostris deque Apostolica potestatis plenitudine dilectos filios Gregorium Bartoli in Abbatem Generalem, ac Silvanum Caranzi, Columbinum Bassi, Laurentium Poltri, Virgilium Falugi, Angelum Mariam Serafini, Mercurialem Prati, Innocentium Rosetti, & Joannem Aurelium Casati in Definitorum, ac Ricciardum Betti, & Joannem Jacobum Caleppi Congregationis praedictae Monachos expresse professos in Visitatores respectively ejusdem Congregationis non modo usque ad Dominicam tertiam post Pascha Resurrectionis Dominicae proxime venturam, qua Capitulum Generale ipsius Congregationis convocari solet, sed etiam inde ulterius ad tempus solitum, quo ejusmodi officia juxta Regularia memorata Congregationis Instituta per Sedem Apostolicam confirmata durare consueverunt, cum omnibus, & singulis praerogativis, praeminentiis, facultatibus, auctoritate, privilegiis, gratiis, & Indultis, ac honoribus, & oneribus solitis, & consuetis tenore praesentium constituimus, & deputamus.

Deputatio Generalis Visitorum & Definitorum ac extensio suorum officiorum ultra solitum tempus.

Mandatum pro executione d. Deputacionis.

§. 1. Mandantes propterea in virtute Sanctae obedientiae, ac sub indignationis nostrae, aliisque arbitrio nostro imponendis poenis omnibus, & singulis supraedictae Congregationis Superioribus Monachis, & personis, ceterisque ad quos spectat, & spectabit in futurum, ut supranominatos Monachos ad officia eis respectively per praesentes demandata, illorumque liberum exercitium juxta eorundem tenorem praesentium recipiant, & admittant, illosque recognoscant, & illis omnibus, quae ad officia hujusmodi pertinent, faveant, & assistant, pareantque, & obediant respectively. Praeterea auctoritate Apostolica tenore praesentium statuimus, & ordinamus, ut deinceps perpetuis futuris temporibus Abbas Generalis pro tempore existens memoratae Congregationis occasione Visitationis Monasteriorum majoris observantiae, & exactioris vitae Communis ejusdem Congregationis pro eadem Visitatione, & examine praeter duos Visitatores, & Secretarium etiam Abbatem pro tempore existentem Monasterii S. Mariae ejusdem Vallis Umbrosae, sive S. Joannis Gualberti de Valle Benedictae alternatim una cum Priore alterutrius Monasteriorum hujusmodi adhibere, iique peracta Visitatione praedicta fidelem, & sinceram relationem proprio charactere subscriptam circa eandem vitam communem, ejusque progressum ad Congregationem Venerabilium Fratrum nostrorum Sanctae Romanae Ecclesiae Cardinalium, & dilectorum filiorum Romanae Curiae Praelatorum super disciplina Regulari specialiter deputatorum sub poenis itidem arbitrio nostro infligendis quanto citius transmittere teneantur.

§. 2. Decernentes easdem praesentes literas firmas, validas, & efficaces existere, & fore suosque plenarios, & integros effectus sortiri, & obtinere, ac Monachis supra nominatis in omnibus, & per omnia plenissime suffragari, & ab illis, ad quos spectat, & pro tempore quodcumque spectabit inviolabiliter observari: Sicque in praemissis per quoscumque Judices Ordinarios, & Delegatos, etiam Causarum Palatii Apostolici Auditores, judicari, & diffiniri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus Constitutionibus, & Ordinationibus Apostolicis, necnon dictae Congregationis Vallis Umbrosae, etiam Juramento, confirmatione Apostolica, vel quavis firmitate alia roboratis Statutis, & consuetudinibus; privilegiis quoque, Indultis, & Literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis, illorum tenores praesentibus pro plene, & sufficienter expressis, ac ad verbum insertis habentes; illis alias in suo robore permanentibus ad praemissorum effectum hac vice dumtaxat specialiter, & expresse derogamus, ceterisque contrariis quibuscumque.

Datum Romae apud S. Petrum sub Annulo Piscatoris die XI. Decembr. MDCCIV. Pontificatus nostri anno Quinto.

Declaratur, jus visitandi Parochiales Ecclesias Regularium in Insulis Philippinis competere Locorum Ordinariis.

De Confessariis Regularibus ab Ordinario approbandis extat Inn. XII. Const. ed. 1698. Sep. 6. P. 8. Et Inn. XIII. Const. ed. 1722. Aug. 26. P. 2. agitur de ingressu Parochorum in Ecclesias Regularium.

CLEMENS PAPA XI.

Ad futuram rei memoriam.

Cum sicut Venerabilis Frater modernus Archiepiscopus Manilan. Nobis nuper exponi fecit, dilecti filii Fratres Ordinum Praedicatorum, Minorum S. Francisci de Observantia nuncupatorum, ac Eremitarum Sancti Augustini,

Statutum de ratione visitandi Monasteria, & relatione transmittenda ad Congregationem super Discipul. Reg.

Clausululz.

LII.

Dat. 30. Jan. 1705. An. 5.

Lis inter Religiosos, & Ordinarios ad Insularum de Visitatione Ecclesiarum Parochialium.

Preces Archiepiscopi Manilan.

Declaratio pro Ordinariis Locorum, & mandatum, ne dd. Religiosi Parochias dimittant.

Clausula.

lini, nec non Clerici, seu Presbyteri Regularis Societatis Jesu ordinariam Visitationem in septingentis, & amplius Parochialibus Ecclesiis, seu (ut vocant) Doctrinis, quas in Dicecesi Manilan., & aliis Insularum Philippinarum Episcopatus regant, & respectu exercent, admittere renuant, seque potius animarum curam, distasque Parochiales Ecclesias deferere, quam sese Visitationi predictae subicere velle declarent, plura scandala, & absurda exorta, inde vero plura scandala, & inconvenientia cum neglectu Constitutionum Apostolicarum, ac Decretorum Concilii Tridentini, exoriantur, ac proinde ipse Archiepiscopus de opportuno desuper remedio a Nobis provideri plurimum desideret. Nos ejusdem Archiepiscopi votis hac in re quantum cum Domino possumus favorabiliter annuere volentes, eumque a quibusvis Excommunicationis, suspensionis, & Interdicti, aliisque Ecclesiasticis Sententiis, Censuris, & poenis a Jure, vel ab homine quavis occasione, vel causa latis, si quibus quomodolibet innodatus existit ad effectum presentium dumtaxat consequendum harum serie absolventes, & absolutum fore censentes, supplicationibus eorum nomine Nobis super hoc humiliter porrectis inclinati, de nonnullorum ex Ven. Fratribus nostris S. R. E. Cardinalibus dicti Concilii Tridentini Interpretibus super hoc negotio a Nobis specialiter Deputatorum, qui Fratrum, & Clericorum, seu Presbyterorum Regularium predictorum Procuratorem citatum, & informantem super praemissis audiverunt consilio, jus visitandi Regulares in iis, quae concernunt eorum Animarum, ac Sacramentorum administrationem Archiepiscopo Manilan., aliisque Episcopis in Insulis Philippinis existentibus competere, nec eisdem Regulares Parochias, seu Doctrinas, de quibus agitur sub censurarum, amissionis bonorum, aliisque arbitrariis poenis, dimittere posse, auctoritate Apostolica, tenore presentium decernimus, & declaramus.

§. 1. Decernentes pariter easdem presentes literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quocumque spectabit in omnibus, & per omnia plenissime suffragari, & ab eis respective inviolabiliter observari: sicut in praemissis per quoscumque Judices Ordinarios, & delegatos, etiam causarum Palatii Apostolici Auditores, judicari, & definiti debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 2. Non obstantibus praemissis, ac Constitutionibus, & Ordinationibus Apostolicis, nec non quatenus opus sit Ordinum, & Societatis praefatorum, aliisque quibusvis, etiam Juramento, confirmatione Apostolica, vel quavis firmitate alia roboratis statutis, & consuetudinibus; Privilegiis quoque, Indultis, & literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis, illorum tenores, praesentibus pro plene, & sufficienter expressis, ac ad verbum insertis habentes, illis alias in suo robore permanentibus ad praemissorum effectum hac vice dumtaxat specialiter, & expresse derogamus, ceterisque contrariis quibuscumque.

§. 3. Volumus autem, ut earumdem presentium literarum transumptis, seu exemplis, etiam impressis manu alicujus Notarii publici subscriptis, & sigillo personae in Ecclesiastica dignitate constitutae munitis, eadem proflus fides ubique locorum, tam in Judicio, quam extra illud habeatur, quae ipsis praesentibus haberetur, si forent exhibitae, vel offensa.

Datum Romae apud S. Petrum sub annulo

Piscatoris die XXX. Januarii MDCCV. Pontificatus nostri anno quinto.

Confirmatur Decretum Congregationis Episc., & Reg. approbans divisionem Provinciae S. Antonii in Regno Portugalliae Fratrum Min. Reform. in duas sub certis conditionibus.

Const. ed. 1702. Sep. 15. P. 2. extat dismembratio Cenobiorum a Provincia S. Petri de Alcantara Regni Neapolis. Et Const. ed. 1709. Mar. 8. P. 9. agitur de divisione Provinciae S. Didaci Papien.

CLEMENS PAPA XI.

Ad futuram rei memoriam.

Nuper pro parte dilectorum filiorum Ministri Provincialis, & Superiorum Provinciae Sancti Antonii in Regno Portugalliae Ordinis Minorum S. Francisci de observantia Reformatorum nuncupatorum Congregationi Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium praeposita exposito, quod cum ipsa Provincia numerus Conventuum, & Religiosorum notabiliter auctus reperiretur, praedicti ejus Religiosi ob locorum distantiam, & ardua itinera multa patiebantur incommoda, ac inter eos continuae dissensiones, lites, gravissimaeque inordinationes oriebantur, ac proinde, his, aliisque inconvenientibus in Capitulo Provinciali Provinciae praefatae quod die 16. Januarii 1694. in Conventu S. Antonii loci de Castagneira celebratum fuit, consideratis, de eadem Provincia in duas dividenda, si ad id hujus Sanctae Sedis licentia accederet, illam approbante, & confirmante tunc existenti Ministro Generali dicti Ordinis, qui in eodem Capitulo Praesidentis munereungebatur, deliberatum fuerat, subinde vero eadem divisio, repartitis per tres Religiosos qualitate Conventibus, ac tredecim ex eis uni, totidemque alteri sic de novo erigendis Provinciis assignatis, in Capitulo Generali Mense Junii ejusdem anni in Oppido Civitate nuncup. Victoriae itidem celebrato, a Discretorio, dicto Ministro Generali, & Definitorio Generali ibidem congregatis iterum approbata, ac novissime nempe die 17. Februarii 1703. eadem divisio altera vice propofita in Capitulo Provinciali in praedicto Conventu convocato, praevia reformatione circa aliqua pacta, plenius votis, & nemine discrepante cum conditionibus in eodem Capitulo stabilitis acceptata fuerat. Et in eadem expositione subjuncto, quod cum praedicta Cardinalium Congregatio ad Venerabilem Fratrem Michaellem Angelum Archiepiscopum Tharsen in Portugalliae, & Algarbiorum Regnis nostrum & Apostolicae Sedis Nuntium pro informatione super dicta divisione scripsisset, praedictus Michael Angelus Archiepiscopus, & Nuntius transmiserat ad ipsam Congregationem Cardinalium una cum sua informatione conditiones sequentes.

Primo videlicet, ut Provincia Ulyssiponen. suum proprium nomen Sancti Antonii retinere, altera vero sic de novo erigenda Provinciae conceptionis de Bera, & Migno nuncupari, ac Convenienti sigillo uti deberet.

Secundo quod expensae pro expeditione presentium literarum ab utraque Provincia pro aequali portione fierent.

Tertio ut elemosyna communes ordinariae nuncupatae, quas Charissimus in Christo filius Petrus Portugalliae, & Algarbiorum Rex pro sua Regia pietate singulis annis Provinciae supradictae facere solet, aequaliter dividerentur, itaut Provinciae erigendae illa pars obveniret, quae ad quemlibet suorum Conventuum spectabit.

LIII.

Dat. 24. Apr. 1705. An. 5.

Causae divisionis praedictae a Capitulo Provincialibus 1694. 1703. & Generali 1694. necnon Nuncio Apostolico approbatae.

Conditiones sub quibus divisio fieri debebat.